


兩壘軒彝器圖釋

兩龔軒彝器圖釋卷十一



漢大司馬鉤



大司馬
馬

右大司馬鉤形制大小如圖重今庫平一兩五錢按漢書
武帝元狩四季初置大司馬以冠將軍之號以衛青爲大
司馬大將軍見百官表此後傳志亦屢見也

漢虎賁鉤



虎賁

石虎賁鈎形制大小如圖重今庫平二兩一錢五分按續
漢書百官志虎賁中郎將比二千石注曰主虎賁宿衛蔡
質漢儀曰主虎賁千五百人無常員多至千人戴鶡冠女
右將府顏師古曰賁讀與奔同言如猛獸之奔也王莽以
古有勇士孟賁故名焉


漢中臧府從事鉤



中臧府從事

右中臧府從事鈎形制大小如圖重今庫平一兩六錢五分按續漢書百官志中臧府令一人六百石本注曰掌中幣帛金銀諸貨物又郡國志諸州皆有從事史假佐本注曰其員職畧與司隸同中興但因計吏皆有從事史假佐鈎文曰中臧府從事則當日中臧府固亦有從事也可以補傳志之闕漢碑藏皆佗臧後世以臧字訓善藏爲收藏遂截然分爲兩字今鈎文作臧正與漢碑合


漢軍曲鉤



軍曲

右軍曲鉤形制大小如圖重今庫平二兩四錢二分按續
漢書百官志大將軍營五部部下有曲曲有軍候一人比
六百石鉤銘軍曲當是軍曲候之鉤也

漢軍曲鉤二




軍曲

右軍曲鉤形制大小如圖重今庫平二兩五分軍曲二字
較前一鉤差小蓋同時所鑄也

右衛鉤形制大小如圖重今庫平一兩六錢三分按續
漢書百官志有南宮衛士令北宮衛士令隋志有左衛
左右武衛此上衛或與南北左右同義俟再攷



漢君宜高官鉤



君宜高官

右鉤廣長如圖重今庫平一兩五錢按翁學士兩漢金石
記有鏡銘云君宜高官四字大抵漢人鑄鏡鑄鉤多作頌
禱之詞此鉤葉東卿師自粵東寄余銀絲填文製造精樸
亦漢器中之佳品也

漢丙午神鉤



右鉤廣長如圖重今庫平五兩舊爲阮文達公所藏按丙
午者鑄鉤之日君高遷者頌禱之詞鉤嵌金銀絲身作神
人鳥喙抱魚食象首作獸面故曰神鉤餘詳阮氏款識